

Faaalu i fafo le ea susū ae taofi i totonu le vevela

O le ā e māfua ai ona susū le ea?



Faamamagoina o ofu:
5.0 lita i le faamago e tasi



Kuka:
3.0 lita i le aso



Fale taele ma tapu taele:
1.5 lita i le aso e tasi (tagata e toatasi)



Ipu fufulu:
1.0 lita i le aso e tasi



Tagamea:
0.5 lita i le aso e tasi



Manava:
0.2 lita i le itula e tasi (tagata e toatasi)

O le a e mafai ona e fai?

E lelei, ona e lē faigata ona taulima. Tatala faamalama tusa pe na o le sefulu minute i aso taitasi ina ia faa'ea ai le fale ma alu ai i fafo le ea susū ma le manogi taetaepalaloa. Ae e sili atu ai pe afai o faamalama e iai ni loka, tatala laititi mo le aso atoa pe afai e lē o ola se heater e faasau ai se 'ea fou i totonu. O le mea e sili ona leaga o le faamamago lea o lavalava i totonu o le fale. Pe afai e mafai ona faamamago i fafo, e sili atu lenā.

le faamalama & ufi faamalama

O le tele o le vevela e alu i fafo o le fale i pō malūlū mai faamalama pe a leai ni ie faamalama po o ni pola. E lelei pe a toso ie pe a goto le lā ina ia taofi ai le tele o le vevela i totonu. Pe afai e leai ni au pola pe ua tuai foi au ie faamalama, e mafai e le faalapotopotoga o loo saunia ma ofoina faameaalofa ie faamalama mo aiga ona ofoina atu ni ie ma oe.





Savili malūlū

E mafai e le savili mālūlū ona e maalili ai ma e manaomia ai se tupe tele ina ia faamafanafana ai. E masani ona sau mai le va o faamalama ma faitotoa ma le tamai faitotoa o le pusi. E mafai ona fai sau lava puni savili i se solo e ta'ai'ai po o se palanikeke e poloka ai le savili – ae atonu ia faaavanoa pea le auala e oso mai ai le pusi!



Faaaogā se ili

Pe a faamafanafana se potu, e alu le ea vevela i luga ma faasolo ai i fafo. Pe a iai se ili e le o faaaogaina, palaka ma ki faavaivai. E faataape e le ili le vevela i le fale atoa ma e sefe mai ai le tele o le paoa e manaomia e le heater. O le mea moni o le a sefe ai foi ma le tupe!



Faaaogā lelei lau pamu ea vevela

Faatulagaina o le 'ea vevela

O le 19 ma le 21 tikeli e alu lelei tele ai le pamu ea vevela. Afai o malulū, e te le mana'omia le tautu'utu'u atu i luga i le 30 tikeli le malosi o le pamu ina ia saosaoa ai lana alu. O le mauuluga o le tulaga o le ea vevela, e tele ai le eletise e alu, e ono maua ai le fa'atafe loimata i le tau o lau pili.

Mo le alualu lelei o lau pamu ea vevela, ia suia le 'mode' o loo pulea le pamu ina ia tumau ai i le vevela-Oomi le (mode) se'ia alia'i mai le tama'i fa'a'ilo o le lā. O inā e seki ai loa le vevela i le 19 male 21 tikeli. A faatino le tulaga lea, e sefe ai mo oe e tusa ma le \$40 i le tausaga.

Fa'amamā

O pamu vevela e i ai fa'amamā e mafai ona ave'ese ma va'aia ai pe a tatala le ufufi. I le umi ai ona fa'aaogaina, e poloka i le efuefu, ma taofia ai le alu o le 'ea. O le a galue malosi foi le pamu ina ia maua pea le malosi fa'atulagaina ma o le a tele ai le fa'aaogaina o le eletise.

E faigofie lava pe tusa ma ni nai minute e fai ai - ave'ese le fa'amamā ma fa'aaoga i ai le masini e mimitia le pefu (vacuum). O le a vave ona e maitauina le ese'esega pe afai sa tumu i le eleelea, ma vave ai loa ona mafanafana le potu. Ia mautinoa lou faia o le tulaga lea i le ta'i lua masina ma o le a sefeina mo oe e tusa ma le \$50 i le tausaga.



Faaitiitia le faaaogāina o le vai vevela

Tele le vai e alu

O nisi o taimi ua tele nauā le vai e sau i le paipa ae lē manaomia ma iu ai ina maimau le vai vevela. E mafai ona e faaoga se pakete ma se uati e fua ai le tele o le vai e maimau. Tuu le pakete i lalo o le ulu o le paipa ma ki le vai – pe afai e tumu i lalo ifo o se minute se tasi, o le maimauga o le tupe. E taugata le faatau o se ulu o le paipa taele lea e ono sefe ai le vai, ae e mafai ona e faatauina mea e faaitiitia ai le alu o le vai ma e tau taugofie atu. Pe a leai, ia aua la le matuā kiina tau le paipa!

Taofi le sinasina



O le paipa vai vevela e sinasina e mafai ona maimau ai e sili ma le 70 lita vai i le aso. Pe a faaputu e sili ma le \$200 i le tausaga le pili! Pe afai o e mautotogi, ia faailoa vave i lē ona le fale so o se paipa o sinasina ma so o se paipa ua mama pe pā, o la latou matafaioi lena.

Tagamea malulū

O le fa'aaogaina o tagāmea i le mafanafana e toe fa'afoi ai oe i tua pe tusa ma le 30 sene. O nisi o taimi e tai tutusa lava ma le tagamea malulū le lelei, pe tusa fo'i ma le 6 sene le tau mo le tagamea e tasi. O aiga e to'atele tamaiti ma le tele o tagamea e mafai ona sefeina mai pe tusa ma le \$50 i le tausaga pe afai e fa tagamea a lou aiga i le vaiaso.

Faaaogā le heater sa'o mo le potu sa'o

O lea ina ia māfanafana potu moe ma isi vaega o le fale o le toatele o tatou e faaogāina heater e sulu i le palaka. O heater eseese e masani lava e tai tutusa lava le tele o le eletise e alu ai – pe a ma le 40–60 sene i le itula. Peitai, e lē tutusa uma le auala e faaoo mai ai le vevela ma o nisi e fetauti mo isi potu ae lē fetauti i isi.




Potu moe

E manaomia ona faamāfanafana lelei potu moe ina ia tausia ai le mālōlōina o lou aiga i le taimi o le tau malulu. O heater suauu faalaumiumi e sili ona lelei. E lē pa'ō, e lē vevela tele ma e fetauti lelei ma vaega pū moomoo.

Nofoga e malolo iai

E ui lava o le pamu 'ea vevela e sili atu lona lelei mo nofoaga malolo e tetele atu, ae afai e leai sau pamu, o le (tower heater) e i ai ma lona ili e aoga lelei foi mo nofoaga malolo lautele e i ai potu malolo aua e vave ona latou fa'ata'apeina le 'ea vevela. E lelei foi le (panel heater) ma lona salafalafa manaia e mafai ona teu'ese pe a le mana'omia.





Na ona faamāfanafana ai o oe

O nisi o fale e ese le faigata ona faamafanafana ma e umi se taimi o tau faamafanafana se potu. Ona o lena, o le mea e sili ona fai o le iai o sau tamai heater e tapiliina mai le mafanfana po o heater e mumū ma faasaga tonu atu lava ia te oe. O le a vave ona e mafanafana ai, ae manatua e lē oo atu i isi le māfanafana.



O le a le ituaiga e te mana'omia?

O le tele o heater e te tau i ai a lē o le 2000W po o le 2400W. Ua lava le telē lena e māfanafana ai se tamai potu malōlō o loo tapunipuni po o se potu moe lapoa. A iai ni heater e laiti ifo i lo lena e lelei mo potu moe o tamaiti – o se heater e 1000W pe itiiti ifo atonu e aoga na ona faatea laititi ai le maatiati o le mālūlū, nai lo le māfanafana umi ai o se potu.



Eligibility

Answer these questions to check if you may be eligible for a Warmer Kiwi Homes grant.

Are you the owner-occupier of your home?

Yes

No

O le polokalame mo le mafana o aiga e tusa ma le 90% e paū mai le tau pe a fa'atau ma fa'api'i' ona totogi, ae tusa ma le 80% e paū mai ai le tau o se (heater) lelei, e fesoasoani lea mo le sefeina o lau tupe mo lau pili o le eletise a o e maua le mafanafana ma le maloloina lelei o lou aiga. A tonu e te maua nei fuafuaga pe afai o lou lava fale, ma sa fausia i tua atu o le 2008 ma o i ai ma sau (community service card) po o loo e nofo foi i se nofoaga e maualalo le tupe maua. Sa'ili ane i le warmerkiwihomes.govt.nz po o le telefoni i le 0800 749 782 e iloa ai pe e te maua nei mea.